

中華全國風俗志 上篇卷八

▲廣東

●總志

粵人之俗。好相攻擊。秦南海尉它。居南方長治之。甚有文理。粵人相攻擊之俗益止。
漢書高帝紀

謹案。高帝詔謂它治有文理。攻擊之俗益止。而隋書地理志亦謂俚人有銅鼓者。羣情推服。本之尉它。尊爲倒老。則粵俗向化。豈俟唐宋以後乎。

粵人勇之。言粵人俗鬼。

師古曰。勇之。越人名也。俗鬼言其土俗尙鬼神之事。

而其祠皆見鬼。數有效。昔東甌王

敬鬼。壽百六十歲。後世怠慢。故衰耗。迺命粵巫立粵祀祠。安臺無壇。亦祠天神。帝百鬼。而以雞卜。上信之。粵祠雞卜。自此始用。
漢書郊祀志

粵地秦南海尉趙佗自王。傳國至武帝時。滅以爲郡。處近海。多犀象毒冒珠璣銀銅。果布之產。中國往商賈者。多取富焉。番禺其一都會也。
漢書地理志

揚雄交州。南海之宇。聖武是恢。稍稍受羈。遂遵黃支。牽來其犀。航海三萬。泉竭中

虛。椽堅初學記

南越以孔雀珥門戶。桓寬鹽鐵論

吳都賦。篙工櫂師。選自閩禺。番禺也。彼地人便水。習御長風。狎翫靈胥。文選

裴淵廣州記。豪富女子。以金銀爲大釵。執以叩銅鼓。號爲銅鼓釵。太平御覽

越俗以珠爲上寶。生女謂之珠娘。生男謂之珠兒。吳越間俗說明珠一斛。貴如玉者。

合浦有珠市。任昉述異記

廣州濱際海隅。委輸交部。雖民戶不多。而狸獠猥雜。皆樓居山險。不肯賓服。西南一

江。川源深遠。別置督護。專征討之事。捲握之資。富於十世。尉它餘基。亦有霸迹。南齊書州

郡志

南海交距。各一都會也。並所處近海。多犀象。璫瑁珠璣。奇異珍瑋。故商賈至者。多取

富焉。其人性并輕悍。易興逆節。椎結蹠蹤。乃其舊風。通典

南中八郡志曰。檳榔土人以為貴。款客必先進。若邂逅不設。用相嫌恨。歐陽詢藝文類聚

嶺南風俗。家有人病。先殺雞鵝等以祀之。將為修福。若不差。即刺殺豬狗以祈之。不

差。即刺殺太牢以禱之。更不差。即是命也。不復更祈。死則打鼓鳴鐘於堂。比至葬訖。

初死。旦夕大叫而哭。張鷟朝野僉載

春堂者。以渾木剗為槽。一槽兩邊。約十杵。男女立以舂稻梁。敲磕槽舷。皆有遍柏。槽

聲若鼓。聞於數里。劉恂嶺表錄異

嶺表所重之節。臘一伏二冬三年四。同上

嶺南呼食為頭。趙德麟侯鯖錄

嶺南謂村市為墟。柳子厚童區乙傳云。之虛所賣之。又詩云。青箬裹鹽歸洞客。綠荷

包飯趁墟人。即此也。蓋市之所在。有人則滿。無人則虛。而嶺南村市。滿時少虛時多。

謂之為虛。不亦宜乎。吳處厚青箱雜記

古者祀天必養牲。必在滌三月。他牲惟具而已。又凡祭祀之禮。降神迎尸而後。始呈

牲。牲。於是國君帥執事親射之。至漢魏而下。此禮寔闕。獨五嶺以南。俚俗猶存。今南人喜祀雷神者。謂之天神。祀天神必養大豕。目曰神牲。人見神牲。則莫敢犯傷。養之率百日外。始祀之。獨天牲如此。他牲則但取具而已。又遇逐惡氣。禳疾病。必磔犬與古同。殊有可喜者。傳謂禮失求諸野。信然。蔡條鐵園山叢談

漢郊祀志言粵人信鬼。而以雞卜。李奇注謂得雞骨卜也。唐柳子厚亦言雞骨占年。今粵俗不然。實用雞卵。其法先祭鬼。乃取雞卵墨畫其表。以爲外象。畫皆有重輕。類分我別彼。猶易卦。所謂世與應者。於是北面招鬼神。而道厥事。然後誓之。投卵鑑中。熟則以刀機橫斷雞卵。其黃白厚薄處爲內象。配用外象之彼我。以求其授克與否。凡卜病卜行人。雅殊有驗。同上

南人凡病。皆謂之瘴。率不服藥。惟事祭鬼。設犯傷寒陰陽二症。豈有坐視而不藥耶。且南方之人。往往多汗。上盈下虛。用藥者妄發汗吐下。其禍可立而待也。瘴癘之作。率因飲食過度。氣痞痰結。檳榔能下氣消食化痰。故嶺海之人多食之。此可類北人。

之食酥酪。北方地寒，食酥酪，故膚理緊密。一旦病疫，當汗則閉塞，而汗不得出，所以病多難治。嶺南地熱，食檳榔，故臟氣疎泄。然一旦病瘴，當下則虛羸，而本不能堪。所以土人多體瘠面黃，蓋檳榔爲患，習而不覺耳。黃瑜雙槐歲抄

自漢末建安，至於東晉永嘉之際，中國之人避地者多入嶺表，子孫往往家焉。其流風遺韻，衣冠氣習，薰陶漸染，故習漸變而俗庶幾中州。黃志

迎春日競看土牛，或灑以菽稻，名曰消疹。啖生菜春餅，以迎生氣。元日禮神賀節，上元觀燈，或作鞦韆百戲，十六夜婦女走百病，擷取園中生菜，曰采青。十九日掛蒜於門，以辟惡。廣州謂爲天穿日，作餽餼禱神，曰補天穿。二月祭社，分肉小兒食之，使能言入社後，田功畢作。諺曰：蠟人傍社。十五日花朝，至三月上已，祓禊清明，插柳於門，其前五

日始。一月中掃墓郊行，謂之踏青，亦曰剗草，俗曰壓紙，以楮置墳上也。嶺南雜記云：宗孫盛者堆

如積雪。四月八日，浮屠浴佛。五月朔日，祀祖先。五日飲蒲酒，饌角黍，鑲艾虎，書朱符爲兒女佩，採蓮競渡。至五日乃止。廣州有逾月者，尊標較勝，往往成訟。今此風已戢，惟大洲龍船高大如海，加具魚龍百戲，積物力至三十

年一出出則諸鄉舟行以從懸花毬繡囊香溢珠海孫仲衍所云天香茉莉素馨國是也。夏至日。擊荔薦祖考。磔犬以辟陰氣。七月七日曝衣書家汲井華水貯之以備酒漿。曰聖水。兒女以花果作供。捕蜘蛛乞巧。十四日浮屠盂蘭盆會。剪紙爲衣以祀其先。望日以龍眼花果相餽遺。曰結緣。二十五日。士庶多爲蒲澗遊。廣州相傳安期生以是日升仙自古有遊頭會八月望夜。賞月。剝芋食螺。重陽有墓祭者。亦曰登高。細民放風鳶。風鳶之戲自古有之。或云因天地之風候以舒小兒之盛時。截竹縹布縹藤爲繩。放之聲聞數里。鳶製大可十倍。十月朔日。以五斂雜芥菜食。辟寒氣。舉火星醮。廣州風俗。閩次第行之。自十月朔至於歲暮。冬至作冬糍祀祖。有祭墓者。臘月念四日。爲小年夜。祀竈。用爆竹。飴餠。除夕祀祖。家人聚飲。曰團年酒。圍坐達旦。曰守歲。相遺以物。曰餽歲。易桃符。小兒賣癡獸。此粵俗大較也。他若韶之十月朔日。以米糍作犒牛會。雄之寒食日。上壠以烏糯飯祭墓。九月上日。建九皇會。惠之三月。賽東岳宮。士女沿街膜拜。中元日。家家掛楮。曰弔田錢。潮之正月五日後。儺以禳災。上元日。鬪鞦韆。俗字。肇音斜。俗字。肇以花朝賽社。高以穀熟時。取戌日爲臘。廉之高涼。以十月爲歲首。以亥爲市雷。以己酉爲

臘。瓊之五月。關帝會士女各荷紙。校以禱罪祈福。

郝志

古稱鳩舌者爲南蠻。搖歧諸種是也。自秦以中土人與趙佗風俗已變。東晉南宋。衣冠望族。向南而趨。占籍各郡。於是言語不同。省會音柔而直。歌聲清婉。可聽。唯東新各邑。平韻多作去聲。韶南連州。地連楚豫。言語大略相通。其聲重以急。惠之近廣者。其音輕以柔。唯齊與灰庚與陽四韻。音同莫辯。興甯長樂。音近於韶。謂我爲哎。廣人呼爲哎子。東至潮。語同閩。有音無字。與廣人語多不通。肇高雷廉土音。略與省會相合。而舌本強。廣州呼人曰個。畜曰隻。而諸郡相反。瓊島孤懸海外。音與潮同。雜以閩人。間有與廉州相似。類廣西梧州音者。名西江黎語云。廣州謂父曰爸。音巴亦曰爹。母曰媽。音馬亦曰肥。音拿上聲。謂風亦曰肥。卽鷓母之說也。謂子曰崽。音宰亦曰仔。凡物之小者亦曰仔。良家子曰亞官仔。廣州多用亞字發語奴僕曰弟仔。惠州曰賴子。言爲主人所賴也。謂嶺北人曰外江獠。指外省人言語曰蠻聲。呵橫恣者曰蠻澄銀。劉銀龔澄樞。古粵人之橫逆者也。肇人自稱曰儂。與吳近。稱外祖父曰公低。亦曰翁爹。外祖母曰婆低。子

女晚生者。多名曰搵。

盡子也音賴平聲

或曰魁。

尾子也音米

貴而故賤其名。使易育曰狗仔。美人

之貌曰靚。呼顛者曰廢。遊戲曰則劇。順德曰仙。新會曰了。廣州謂來曰黎。走曰趨。取

物曰邏。謂欺曰到。謂卵曰春。食飽曰餉。

音救

敬物之束者曰一子。二子。家曰一主。穀曰

一造。瓊州數尙六。禾六束曰一把錢。六百曰一串。物六十斤曰一担。潮州以錢八十

爲一伯。自陽春以下。至瓊地名多曰那某。曰羅某。曰扶某。黎人姓名亦多曰那。曰扶。

曰抱。潮及惠之濱海者。髻曰莊。鬚曰秋。牛曰悟。字與音全相反。嶺人謂火曰桃花溜。

溜。謂飯曰拈爨。瓊人曰邁。此須重譯乃通者也。如俗字穩坐之爲奎。音穩人物之短者

爲喬。

音矯

人物之瘦者爲𠵹。

音芒

山之巖洞爲𠵹。

音勸

水之磯激爲砵。

音聘

蓄水之地爲𠵹。圖

切

通水之道爲圳。

屯去聲

水之曲折爲𠵹。

音讓

路之險隘爲卡。

音沒

隱身忽出爲𠵹。音閃截木

作墊曰不。

敦上聲

門上橫木曰門。

音拴

物之脫者曰𠵹。

音倫

此粵字之隨俗撰出者也。又

多譌字。如華爲華。泥爲坭。誕爲誕。循爲循。教爲教。隣爲隣。悵爲悵。閱爲閱。覘爲覘。曷

爲曷。聞爲𠵹。徇爲徇。激爲激之類。皆承訛襲陋。而不知其非者也。邇者粵暨閩學習

正音。戶誦家絃。悉依字典。同文之治。聿昭海宇矣。至確作礪。擬作蛋。今通用。上。

粵俗好歌。語多雙關。詞不必雅。然情必極至。先嫁一夕。戚懿與席者。各坐堂歌。詞有

云。一樹石榴全著雨。誰憐粒粒淚珠紅。又云。燈心點着兩頭火。爲孃操盡幾多心。天

機所觸。自然合韻。朱彝尊明詩綜

廣東謠諺。飢食荔枝飽食黃皮。黃皮果狀如金彈六月熱其漿酸而除暑蛇珠干

枚不及玫瑰。潤蚌之胎。有玫瑰文。鮒之腹有美玉。文鮒鳴美玉生。高州海中有

而生。多食馬蘭。少食芥藍。馬蘭食之養血芥藍不宜多食廣州諺云。爾有垣牆。我有火秧。火秧

成樹四稜有芒刺嬰兒瘦。探石殼。石燕產西樵巖穴中足生家有竹雞啼。白蟻

化作泥。竹雞形如鷓鴣褐色斑赤秋冬食鑿。春夏食羊。朝爲泡魚。暮爲蒿豬。泡魚

大如斗身有棘刺化爲蒿霜蟹雪螺。味不在多。石灣瓦。勝天下。韶州水急。至

險者爲牯牛灘。舟子語云。行過牯牛五石灘。寄書歸去報平安。又云。過得牯牛。舟子

白頭。大廟峽歌云。清溪濛裏。二地名早眠早起。肇慶府有西水自廣西來。每歲

夏至後。淫雨暴漲。諺云。水浸釣魚臺。上下不得來。釣魚台。嶼中山名。又云。西水漫漫。魚蟹滿

盤。儻俗事神。有上帝會。天妃會。鄧天君會。羊元帥會。鑾輿五綵。迎神十百。大饗於

村中。景泰天順間。諺曰。柳英有銀。兒子跳神。洪全有金。阿母賣鍼。瓊州以海水占

年。海水熱則荒。諺曰。海水熱。穀不結。海水涼。禾登場。又云。海南多陽。一木五香。瓊

東界地瘠。以羊骨壅田。終無穫。腴壤多在西。故諺云。東路檳榔。西路米糧。朱彝尊靜志居詩話

廣州謂平人曰猪。亦曰獠。賤稱也。北史周文帝討諸獠。以其生口爲賤隸。謂之壓獠。

威壓之也。謂平人之妻曰夫娘。夫娘之稱。頗古。劉宋蕭齊。崇尚佛法。閣內夫娘。令持

戒。夫娘謂夫人娘子也。廣州則以爲有夫之娘也。東莞女子未字者。稱曰大娘。已字

者。稱小娘。家中有已字未字。則合稱大小娘。廣州謂新婦曰心抱。謂婦人娠者曰有

歡喜。免身而未滿月曰坐月。亦曰受月。謂子曰崽。水經注。弱年崽子是也。謂雲孫曰

徽。元孫曰塞。息訛爲塞也。謂父曰爸。曰爹。南史湘東主人之爹是也。陽春謂外祖父

曰公爹。外祖母曰婆爹。高明呼曰公低。婆低。東莞謂曾祖曰白公。曾祖母曰白婆。或

止稱曰阿婆。廣州謂母曰孀。亦曰媽媽者。母之轉聲。卽母也。亦曰肥。凡雌物皆曰肥。婦謂舅姑曰大人。公公大人婆。亦曰家公家婆。列子曰。家父執席是也。子女謂其祖父曰亞公。祖母曰亞婆。謂母之兄弟妻曰妯母。母之叔伯父母曰叔父。曰叔婆。孫謂祖母之兄弟及妻曰舅公。曰妯婆。謂從嫁老婦曰大妯。醮子之夕。其親戚送花於新郎房中。男曰花公。女曰花婆。子初生者曰大孫頭。新會則曰長仔。或曰魁。奴僕曰種仔。廣州凡物小者皆曰仔。耕傭曰耕仔。小販曰販仔。游手者曰散仔。船中司爨者曰火仔。亡賴者曰打仔。大奴曰大獠。小奴曰細仔。小婢曰妹仔。奴之子曰家生仔。螟蛉子曰養仔。盟好之子曰契仔。姻婭之使役曰親家郎。東莞稱無賴者曰攪仔。又多以屎爲兒女乳名。賤之所以貴之。男曰屎哥。女曰屎妹。謂賃田者曰佃丁。曰田客。賃地者曰地丁。曰地客。僦屋者曰房客。巫曰師公。師婆。瓊女賣檳榔者曰山子。搖之羣者亦曰山子。謂外省人曰蠻果。海外諸巨曰番鬼。司柁者曰柁公。梢公。在船頭者曰頭公。二人爲舟司命。卽三老也。搖櫓者曰事頭。宋書。瀟惠開有舫十餘事。力二三百人。事

頭者事力之首也。立梳斗者曰班首。司篙者曰駕長。香山謂佃而服役者曰人倩。謂田主曰使頭。其後反以田戶之首爲使頭。廣州謂鯁直者曰硬頸。迂腐曰古氣。壯健曰筋節。輕捷曰轆力。言其力如車之轆也。角勝曰鬪。轉曰翻。謂淫曰姣。音豪又曰嫪毒。謂不曰吾。問何如曰點樣。來曰齋。湯人曰碇。罵人曰鬧。挈曰扱起。東莞謂事訖曰効。遊戲曰瞭曰欣。新會曰流。指何處曰蓬蓬。順德謂欺曰到。史記張儀曰。不如出兵以到之。索隱曰。到欺也。猶俗云張到。謂張網得禽獸也。到得也。張儀善欺。故謂欺人者曰張到也。謂猥褻者曰魁權。出賈誼哀時命篇。卽詩之虺隤也。縫衣曰敕。書曰敕。乃甲冑。凡細者縫。粗者敕。著裏曰縫。著邊曰敕。東莞謂光曰皎。音効美好曰灑。持物曰的。肥曰脰。肉熟曰脰。禮記腥肆爛脰。祭注曰脰熟也。爛或爲臙也。廣州習烹物爲臙。亦曰焯也。謂港曰涌。音冲涌衝也。凡池沼皆曰塘。其在江中亦曰塘。若白蜆塘。蠔塘。菱角塘是也。凡水皆曰海。出洋謂之下海。入江謂之上海。出洋曰開洋。亦曰飄洋。謂潮曰水。潮起則曰水大。潮落則曰水乾。廉欽州謂潮以朔望而大者曰老水。日止一潮者。

曰子水二水相通處曰澗。稱山之有林木者爲山。無者爲嶺。廣州謂嶺曰嶺。挽素曰纏。秀出者曰纜枝。小舟曰艇。芟草曰薻草。亦曰撈。諺曰耕而不撈。不如作暴。樹搽水中以掛罨。曰罨。亦曰罨門。西寧謂魚種曰魚口。小豬曰豬口。廣州數食鱸曰幾頭。晉元帝謝賜功德淨饌一頭是也。敬檳榔曰幾口。陸倕謝安成王賜檳榔一千口是也。亦曰幾子。陳少主嘗敕施僧智顓檳榔二千子是也。數蕉子曰幾。蘇軾詩西鄰蕉子熟。時致一梳黃。謂衣一套曰一沓。沓襲也。訛襲爲沓。楮錢一斤曰一佰。線縷一絡曰一子。擲骰子者一擲曰一手。禽窠曰巢。范石湖云。雌雄曰一窠。十雞併種。當得六鬪景也。萬州以禾十二把爲一擔。潮陽以築墻縱橫一丈爲一井。化州石城間。貧者欲避火。於野外構茅以棲。名曰茅寮。雷州有茅村。在蒲茅。有新茅島。吳川有芷茅。鎮瓊有芒茅港。儋有耶茅墟。定安有坡茅市。萬有黎茅都。樂會有薄茅灘。陂會同有李茅塘。文昌有苦茅墩。黎嶼有岑茅黑茅。居茅陳婆茅。地名多曰那某。蒲某。婆某。可某。曹某。爹某。落某。番某。其玩漢者多曰那。石某。香山中秋夕。劇飲月下。曰篋中秋。發

引之。日役夫。蹋路歌以娛尸。日踏鷓鴣。海豐方言與溯相近。鼻日鄙。耳日繫。鴨日啞。其屬於山者。語又不同。謂無日冒。我日礙。溪日階。嶺日諒。其蜒人則謂飯日邁。筋日梯。碗日愛。瓦盆日把浪。拿網日今網。狼人謂父日扶。我日番。彼日往。女謂男日友友。又日友二。男謂女日有助。謂娶日換野。郎日若郎。那家日扶閩。有心有意日眉心眉。扁擔日閑。木日肺。以榕木擔相贈日送條。閑肺榕。頭日圖。有謂日三十六圖。羊四十雙圖。雞獐謂花瓣日花脉。花朶日花桃。獠謂魚日牛。謂不日陷。有歌日牛大陷到石頭邊。謂兄日表。來日大有。歌日表大便到大橫底。娘大便到木橫枝。瓊語有數種。日東語。又日客語。似閩音。有西江黎語。有土軍語。地黎語。地黎稱峒名有三字者。如那父爹陀橫大陀橫小之類。四字者如曹奴那紐曹奴那勸曹奴那累之類。有六字者。如從加重伯那針從加重伯那六從加重伯那特之類。有七字者。如從加重伯那白吾之類。其山多日鷓鴣啼。村多日荔枝。廣州語多與吳趨相近。如鬚同蘇。逃同徒。豪同塗。酒同走。毛同無。早同祖。皆有字有音。德慶亦然。新會多以平仄相易。如通作

痛痛作通。東莞則謂東爲凍。以平爲去。謂莞爲官。以上爲平。香山以人爲能。番禺謂
人曰寅。東莞之南頭謂刀曰多。增城謂產曰窳。謂視不正曰乜。音斜射覆曰估。以刀
削物曰裨。音批細切物曰剝。音速削去物曰弊。音撇謂多曰夠。音少曰不夠。無尾曰厖。音掘謂
人無情義者亦曰厖。謂腿曰厖。音彼脾也。以手按物曰捺。以拳加物曰攬。音同以手覆物
曰掙。音麻上以指爬物曰搨。音搬運曰撻。音連上漱口曰漱。口謂人愚曰猥。發怒目
視人曰矚。音利謂田多少曰幾。吟肉動曰側。音微瘡腫起曰腎。音去裸體曰嫫。嫫。音赤不
謹事曰邈。邊露大齒曰齠牙。新婦入門。使親屬老婦迎之。曰擽步。是夕夫婦同牢食。
曰煖房飯。次早見舅姑親屬。獻幣帛。履曰荷惠。冬至圍爐而食曰打邊爐。元夕黏
詩藏謎。以示博通。曰打燈謎。以鵠翎貫皮錢踢之。曰踢毬。謂雲脚疎直曰風路。不知
人之來歷曰不知風路。龍門謂娶婦時。置酒筵賓以迎之。曰接路。高要人謂婿曰郎
家。女巫曰鬼。音筆記。

唐沈佺期頌表。逢寒食詩。嶺外無寒食。春來不見餽。洛陽新甲子。何日是清明。花櫻

爭朝發。軒車滿路迎。帝鄉遙可念。腸斷報親情。

唐朱慶餘嶺南路詩。越嶺日南風景異。人人傳說到京城。經冬來往不踏雪。盡在刺桐花下行。

唐白居易送客春遊嶺南二十韻。已訝遊何遠。仍嗟別太頻。離容君蹙促。贈語我殷勤。迢遞天南面。蒼茫海北漚。訶陵國分界。交趾郡爲鄰。蔚鬱三光晦。溫暾四氣陰。晴變寒暑。昏曉錯星辰。瘴地難爲老。蠻陬不易馴。士民稀白首。洞主盡黃巾。戰艦猶驚浪。戎車未息塵。紅旗圍并服。紫綬裹文身。麪苦桄榔裏。漿酸橄欖新。牙檣迎海舶。銅鼓賽江神。不凍貪苦煖。無霜毒草春。雲煙蟻地氣。刀劍鱗魚鱗。路足羈棲客。官多謫逐臣。天黃生颶母。雨黑長楓人。廻使先傳語。征軒早返輪。須防杯裏蠱。莫愛囊中玲。北與南殊俗。身將貨執親。嘗聞君子誠。憂道不憂貧。

宋楊萬里宴客夜歸詩。月在荔枝梢上。行茉莉花間。但覺胸吞碧海。不知身落南蠻。元貢奎次王士容經歷賦廣東二十三韻。巨鎮雄江表。炎州介嶺顛。通津波險涉。接

駘路高緣。土貢來遐遠。輿圖按末顛。獷民疲鬪蟻。狡吏攫飢鷗。蟲驗山多瘴。蒙知地
出泉。黃浮烏影淡。紅暈蜃光連。石老苔成蘚。崖陰筍作鞭。翠屏開近嶂。素練沓迴川。
禽弄千般巧。花分四序妍。九重嚴政治。六轡選時賢。喜際風雪會。同沾雨露天。勝談
蓮幕內。妙句藥階前。苦味檳榔好。清香荔子縣。罕逢宛北馬。富聚海南船。古跡荒城
碣。晴炊野墅烟。行經韓子窟。蠻恥越王偏。賈客財常萬。僧尼寺或千。整絺冬亦爾。乘
屨俗依然。人物生唐相。儒風盛孔編。快心時小憩。過眼境頻遷。發興超言外。銷愁向
酒邊。入朝應報最。何得賦歸田。

明汪廣洋嶺南雜咏五首。牂牁流水碧潺潺。潮落潮生草木間。一片海雲吹不起。越
人遙指是匡山。鴈翅城中湧怒濤。外洋水長蜺船高。莫言昨夜南風急。今日登盤
有海螵。越鹽如雪養吳鹽。諸蘓初肥竹笋鮮。何事眉山蘇太守。只將雙蟹較團尖。
村圍社日喜晴和。銅鼓齊敲唱海歌。都道一年生計足。五收蠶繭兩收禾。蠻落
人家厭食魚。兒孫生長不知書。桃榔舊種緣山邏。翡翠新收越海墟。